



Bosna i Hercegovina
Federacija Bosne i Hercegovine
Srednjobosanski kanton/Kanton Središnja Bosna
Kantonavno tužilaštvo Srednjobosanskog
kantona/Kantonavno tužiteljstvo Kantona Središnja Bosna
Travnik

Broj: T06 0 KT 00037421 25

Travnik, 03.11.2025. godine

OPĆINSKOM SUDU U TRAVNIKU

- Sudiji za prethodno saslušanje -

Na osnovu odredbe člana 45. stav 2. tačka „i“ člana 241 stav 1 Zakona o krivičnom postupku Federacije Bosne i Hercegovine, p o d i ž e m

OPTUŽNICU

Potvrđena dana 06.11.2025. godine

Protiv:

I. P., (1996)

Zbog postojanja osnovane sumnje da je:

Dana 02.05.2025.godine, oko 22, 00 sati, u ulici Tabić Mahala br. 27 u Travniku, općina Travnik, zapalio tuđu staru i devastiranu kuću u kojoj niko ne stanuje više od 10 godina, otvorenim plamenom koji se proširio u požar od kojeg je kuća u potpunosti izgorila u vlasništvu preminule H.J., a u kojoj kući je ranije povremeno boravio i držao dio svojih ličnih stvari, na način da je ušao u tu kuću kroz otključana ulazna vrata u prizemlju objekta u hodnik a zatim u sobu sa lijeve strane od ulaznih vrata sa namjerom da pronađe neke od tih ličnih stvari, i kako je u kući isključena električna energija upotrebom upaljača kojeg je ponio sa sobom, je zapalio komad pronađene tkanine u sobi da bi osvijetlio prostoriju, pa kako je tkanina počela jače gorjeti bacio je iz ruke tu zapaljenu tkaninu na pod sobe koju je nogom pokušao ugasiti plamen na tkanini u čemu nije uspio i tako zapaljenu tkaninu ostavio na podu i izašao iz kuće svjestan da će se plamen sa zapaljene tkanine proširiti na prostoriju i ostali dio kuće što je i htio, pa kako je plamen sa tkanine izazvao požar u prizemlju objekta koji se iz prostorije koja je u potpunosti izgorjela proširio na druge prostorije u prizemlju objekta a zatim i na dio krova kuće u vlasništvu N.T. koja je tim krovom povezana sa opožarenom

kućom pa kako je o događaju obavještena policija i vatrogasna služba koja je izlaskom na lice mjesta ugasila požar i na taj način je spriječeno da se požar proširi na okolne objekte koje su se nalazile u blizini opožarenog objekta.

Dakle, zapalio tuđu kuću,

Čime je počinio krivično djelo Paljevine iz člana 301. stav 1. KZ F BiH.

KANTONALNI TUŽILAC

Poštovani predstavnici medija, molimo Vas da prilikom prenošenja vijesti imate u vidu da osobe na koje se odnose vijesti i informacije iz Kantonalnog tužilaštva Travnik, imaju status osumnjičenih ili optuženih osoba. Podsjećamo na načelo presumpcije nevinosti koje definiše da se niko ne može smatrati krivim dok mu se krivica ne dokaže pravosnažnom presudom